

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0057666 24  
Zenica, 12.11.2024. godine

OPĆINSKOM SUDU U ZENICI  
-Sudiji za prethodno saslušanje-  
Z E N I C A

Na osnovu odredbe člana 45. stav 2. tačka i) i odredbe člana 241. stav 1. Zakona o krivičnom postupku F BiH, p o d i ž e m

### O P T U Ź N I C U

Protiv:

A. Č., osuđivan presudom Općinskog suda Zenica od 05.03.2019. godine, zbog krivičnog djela iz člana 174. KZ F BiH, uvjetnom osudom, kazna zatvora 5 mjeseci, vrijeme provjeravanja 1 godina i presudom Kantonalnog suda Zenica od 26.01.2022. godine, zbog krivičnog djela iz člana 166. stav 1. u vezi sa članom 26. stav 3. KZ F BiH i članom 28. u sticaju sa krivičnim djelom iz člana 52. stav 1. tačka b) ZONDINOM ZDK, sve u vezi sa članom 54. istog zakona, kaznom zatvora 1 godina i 6 mjeseci, što je:

dana 12.03.2024. godine, oko 15,30 sati, u gradu Zenica, u ulici I., upravljajući putničkim motornim vozilom marke „Audi“, reg. oznaka T..., imajući namjeru da poduzme radnju kretanja vozilom unazad sa parking prostora ugrozio javni saobraćaj tako što je postupao neoprezno i nedovoljno pažljivo da u slučaju potrebe može blagovremeno zaustaviti vozilo, čime je povrijedio odredbu člana 36. stav 1. Zakona o osnovama bezbjednosti saobraćaja na putevima BiH ("Službeni glasnik Bosne i Hercegovine", br. 6/2006, 75/2006, 44/2007, 84/2009, 48/2010, 18/2013, 8/2017, 89/2017 i 9/2018), svjestan da na taj način može ugroziti javni promet, olako držeći da do toga neće doći, pa je vozeći tako poduzeo radnju kretanja vozilom unazad, a u tom momentu na kolovozu se iza vozila nalazila pješak Dž. D., kojom prilikom je zadnjim dijelom vozila ostvario fizički kontakt sa tijelom Dž. D. i time tako ugrozio bezbjednost javnog saobraćaja, uslijed kojeg kontakta je Dž. pala na kolovoz i tom prilikom zadobila tešku tjelesnu ozljedu u vidu prijeloma lijeve potkoljenice,

dakle, kao učesnik u saobraćaju na putevima, ne pridržavajući se saobraćajnih propisa ugrozio javni saobraćaj i time kod drugoga prouzrokovao tešku tjelesnu ozljedu,

čime je počinio krivično djelo Teška krivična djela protiv bezbjednosti javnog saobraćaja iz člana 336. stav 3. u vezi člana 332. stav 3. u vezi sa stavom 1. KZ F BiH.